



Na osnovu člana 45. stav (3) Zakona o izvršavanju Budžeta Unsko-sanskog kantona za 2024. godinu („Službeni glasnik Unsko-sanskog kantona“, broj: 09/24), Odluke o kriterijima i postupku dodjele sredstava odobrenih u Budžetu Unsko-sanskog kantona za 2024. godinu putem Ministarstva privrede sa pozicije grantovi neprofitnim organizacijama-oblast turizma, broj: 03-02-51-686/2024 od 16.05.2024. godine, Ministarstvo privrede objavljuje:

JAVNI POZIV

za odabir korisnika sredstava po Odluci o kriterijima i postupku dodjele sredstava odobrenih u Budžetu Unsko-sanskog kantona za 2024. godinu putem Ministarstva privrede sa pozicije Grantovi neprofitnim organizacijama-oblast turizma „Podrška udruženjima-oblast turizma“

I PREDMET JAVNOG POZIVA

Predmet Javnog poziva je prikupljanje prijava za odabir korisnika sredstava Grant neprofitnim organizacijama-oblast turizma, čije je sjedište na području Unsko-sanskog kantona i čiji su programski ciljevi i/ili djelatnosti usmjerene na područja iz oblasti turizma koja je u nadležnosti Ministarstva, te koji provode projekat iz oblasti turizma definisanih Odlukom na području Kantona.

II PRAVO UČEŠĆA

Pravo učešća imaju udruženja koja imaju sjedište na području Kantona, registrovana u skladu sa Zakonom o udruženjima i fondacijama („Službene novine Federacije BiH“, broj: 45/02), Zakonom o udruženjima i fondacijama („Službeni glasnik BiH“, broj: 32/01, 42/03, 63/08 i 76/11).

III USLOVI ZA DODJELU SREDSTAVA

Pravo na dodjelu sredstava ostvaruju udruženja i komore definisane u tački I i II Javnog poziva, a koje ispunjavaju sljedeće uslove:

- a) da su upisani u Registar u Ministarstvu pravosuđa i uprave Kantona, Federalnog ministarstva pravde ili Ministarstva pravde Bosne i Hercegovine do dana objave Javnog poziva,
- b) da imaju sjedište na području Kantona,
- c) da su registrovana do dana objave javnog poziva,
- d) da uredno izmiruju direktne poreze: doprinose za PIO/MIO, zdravstveno osiguranje, osiguranje od nezaposlenosti i porez na dohodak, kao i ostale naknade i takse,
- e) da realizuju projekte usmjerene na područja iz oblasti koje su u nadležnosti Ministarstva,
- f) da su dostavili izvještaj o namjenskom utrošku sredstava po osnovu ranije doznačenih sredstava Ministarstva (ukoliko su ista ostvarili) i
- g) da do dana objave Javnog poziva nisu dobili sredstva za predloženu namjenu (projekat) iz drugog izvora,

IV SREDSTAVA ZA IMPLEMENTACIJU

Sredstva za implementaciju ove Odluke obezbjeđena su u Budžetu Ministarstva na ekonomskom kodu 614300 - „Grantovi neprofitnim organizacijama-oblast turizma“ u iznosu od 100.000,00 KM.

Maksimalan iznos sredstava koji se može dodijeliti udruženju i komorama iznosi 6.000,00 KM.

V NAMJENA UTROŠKA SREDSTAVA I ROK ZA IMPLEMENTACIJU

Sredstva iz tačke IV Javnog poziva namjenjena su za sufinansiranje projekatnih aktivnosti iz sljedećih prioriternih oblasti:

- a) Organizacija turističkih manifestacija kao glavnog motiva dolaska turista u destinaciju, a koji doprinose podizanje kvalitete i količine turističke ponude, razvoju

kulturnog, sportskog i ostalih selektivnih oblika turizma, razvoju sadržaja koji omogućuju poboljšanje kvalitete i produženje turističke sezone i stvaranju prepoznatljivog imidža kantona, općina/gradova.

- b) Turizam, promocija turističkih destinacija, izgradnja turističke infrastrukture i suprastrukture, turističke signalizacije, unapređivanje postojeće turističke ponude, učešće na turističkim manifestacijama u zemlji i inostranstvu poticanje domaćeg turizma i receptivnog turizma i projekti koji doprinose razvoju turističkog proizvoda;
- c) Edukacija iz oblasti turizma članova udruženja.

Neprihvatljivi troškovi za koje se ne mogu koristiti sredstva su: troškovi tekućih komunalnih usluga (troškovi odvoza smeća, troškovi vode, goriva/plina), troškovi električne energije, telefona, knjigovodstvenih usluga i slično, lični dohodak (plate, porezi i doprinosi, naknade za službena putovanja, konzumacija jela i pića i ostale naknade radnika korisnika sredstava), kao i ugovori o djelu ili bilo koje druge naknade predsjednika i članova udruženja. Neprihvatljivi troškovi su i troškovi po osnovu nabavke roba, usluga i radova od lica koja nisu registrovana kao poslovni subjekti i koja spadaju u kategoriju povezanih lica (predsjednik i članovi udruženja).

Rok za implementaciju projekta po potpisanom Ugovoru za korisnike sredstava je maksimalno 9 mjeseci od dana doznačavanja sredstava korisnicima.

Svako korištenje odobrenih sredstava suprotno namjenama smatrat će se nenamjenskim utroškom.

VI KRITERIJI ZA IZBOR KORISNIKA

- Namjena projekta
- Broj zaposlenih
- Broj članova udruženja
- Vlastito učešće u ukupnoj vrijednosti projekta
- Korisnik poticaja Ministarstva privrede u prethodne tri godine.

VII PRIJAVA PO JAVNOM POZIVU

Podnosilac prijave prilikom prijave na Javni poziv obavezno dostavlja sljedeću dokumentaciju:

- a) Popunjen, potpisan i ovjeren Prijavni obrazac (koji se preuzima sa web stranice Vlade Kantona www.vladausk.ba);
- b) Ovjerena kopija Rješenja o registraciji od nadležnog organa i ovjerena kopija zadnjeg Rješenja o upisu promjena ukoliko je istih bilo (ovjera ne starija od 3 mjeseca od dana objave Javnog poziva);
- c) Ovjerena kopija Uvjerenja o poreznoj registraciji (ID broj) (ovjera ne starija od 3 mjeseca od dana objave Javnog poziva);
- d) Original ili ovjerena kopija Uvjerenja Porezne uprave o izmirenju direktnih poreza: doprinosa za PIO/MIO, zdravstveno osiguranje, osiguranje od nezaposlenosti i porez na dohodak, kao i ostale naknade i takse (ne starija od 3 mjeseca od dana objave javnog poziva);
- e) Original ili ovjerena kopija Liste osiguranika izdana od strane Porezne uprave ne starija od 30 dana od dana objave javnog poziva;
- f) Kopija bilansa stanja i bilansa uspjeha za 2023.godinu, sa pečatom prijema od strane Financijsko – informatičke agencije (FIA), osim za udruženja koja su registrovana u 2024. godini;
- g) Kopija dokumenta iz kojeg je vidljiv broj transakcijskog računa na koji će se sredstva doznačiti (ugovor ili karton deponovanih potpisa ili potvrda banke);
- h) Izjava podnosioca prijave da do dana objave Javnog poziva nisu ostvarili poticaj od Vlade Kantona, Ministarstva ili drugog izvora, za realizaciju predloženog projekta, potpisana i ovjerena od strane podnosioca prijave (preuzima se sa web stranice Vlade Kantona www.vladausk.ba);
- i) Izjava o realizaciji projekta, potpisana i ovjerena od strane podnosioca prijave, (preuzima se sa web stranice Vlade Kantona www.vladausk.ba.);
- j) Ako postoji partner na projektu dostaviti dokaz o visini sredstava sa kojima će isti sufinancirati projekat (sporazum o saradnji ili ugovor ili izjavu). Izjava se dostavlja u originalu (potpisana i ovjerena od strane podnosioca prijave) i datum izjave ne smije biti

stariji od 3 mjeseca od dana objave Javnog poziva. Sporazum ili Ugovor se dostavlja u originalu ili ovjerenom kopiji i datum ovjere ugovora ili sporazuma ne smije biti stariji od 3 mjeseca od dana objave Javnog poziva;

k) Popis članova udruženja ovjeren i potpisan od strane predsjednika udruženja.

Udruženja koja nemaju zaposlenog/ih, ne dostavljaju dokumentaciju navedenu pod alinejom d) i

e) tačke VII Javnog poziva.

Prijave će biti odbačene kao nepotpune i neće biti predmet daljeg razmatranja ako ne sadrže kompletnu dokumentaciju koja se traži Javnim pozivom.

Dokumentacija navedena pod alinejom a), h) i i) tačke VII Javnog poziva dostavlja se u propisanoj formi i ista se preuzima sa web stranice Vlade Kantona www.vladausk.ba.

VIII OBRADA PRIJAVA I IZBOR KORISNIKA

Za obradu prijava po Javnom pozivu Ministar Ministarstva privrede (u daljem tekstu: Ministar) Rješenjem imenuje Komisiju.

Komisija ima zadatak da u skladu sa propisanim kriterijama i procedurama utvrđenim ovom Odlukom i Javnim pozivom izvrši evaluaciju i bodovanje prispjelih prijava, sačini Preliminarnu rang listu korisnika sredstava i listu podnosilaca prijava čije su prijave neblagovremene, nepotpune i neosnovane, te iste dostavi ministrici. Po odobrenju Ministra, liste se objavljuju na web stranici Vlade Kantona: www.vladausk.ba, a podnosioci prijava se neće pojedinačno obavještavati.

Na objavljene liste svi podnosioci prijava imaju pravo prigovora koji se podnosi Ministarstvu u pisanoj formi, u roku od 5 dana od dana objave istih na web stranici Vlade Kantona.

Nakon isteka roka za prigovor i nakon rješavanja po uloženim prigovorima u roku od 15 dana od dana isteka roka za podnošenje prigovora, Ministar donosi Konačnu rang listu korisnika sredstava na koju Vlada Kantona daje saglasnost i ista se objavljuje na web stranici Vlade Kantona.

Po dobivanju saglasnosti od Vlade Kantona na Konačnu rang listu korisnika sredstava Ministarstvo sa odabranim korisnicima zaključuje Ugovore o dodjeli sredstva, nakon čega će se sredstva doznačiti na transakcijske račune korisnika, na način definisan Ugovorom.

IX NAČIN DOSTAVLJANJA PRIJAVA

Prijave sa potrebnom dokumentacijom dostavljaju se neposredno na protokol Vlade Kantona ili putem pošte, na adresu:

**Ministarstvo privrede Unsko-sanskog kantona, Ul. Alije Đerzeleza 2, 77 000 Bihać,
s naznakom na koverti**

***Prijava po Javnom pozivu „Podrška udruženjima-oblast turizma“
„NE OTVARAJ“***

Rok za podnošenje prijava je 15 (petnaest) dana od dana zadnje objave Javnog poziva.

Neblagovremene prijave koje su dostavljene nakon isteka roka određenog Javnim pozivom neće se uzeti u razmatranje.

Podnosioci prijava mogu podnijeti prijavu samo za jedan projekat iz jedne oblasti po ovom Javnom pozivu i isti nemaju pravo apliciranja na Javni poziv ovog Ministarstva po Odluci o kriterijima i postupku dodjele sredstava odobrenih u Budžetu Unsko – sanskog kantona za 2024. godinu sa pozicije Grantovi neprofitnim organizacijama-oblast turizma. U slučaju više prijava istog podnosioca po istom ili različitim projektima iz više oblasti sve prijave će biti odbačene kao neosnovane i neće biti predmet daljeg razmatranja.

X IZVJEŠTAJ O UTROŠKU SREDSTAVA

Korisnici sredstava su dužni pravdati utrošak ukupnih sredstava (ukupna vrijednost projekta) predviđenih za realizaciju projekta, kako dodijeljenih budžetskih tako i vlastitih sredstava. Za sva neopravdana sredstva, Ministarstvo će pokrenuti proceduru povrata i to u iznosu koji je proporcionalan učešću sredstava Ministarstva u ukupnoj vrijednosti projekta.

Rok za dostavu izvještaja na propisanom obrascu „Izveštaj o utrošku finansijskih sredstava“ je ***najkasnije 15 dana od dana isteka roka za implementaciju projekta.***

Odlukom o kriterijima i postupku dodjele sredstava odobrenih u Budžetu Unsko-sanskog kantona za 2024. godinu sa pozicije Grantovi neprofitnim organizacijama-oblast turizma detaljno je

definisana dokumentacija kojom se pravda namjenski utrošak sredstava, a ista će se regulisati i Ugovorom o dodjeli sredstava.

Ministarstvo zadržava pravo traženja i dodatne dokumentacije i pojašnjenja kod provjere namjenskog utroška sredstava (pismenim i usmenim putem).

Ministarstvo vrši nadzor namjenskog trošenja sredstava odobrenih korisnicima na osnovu dostavljenih Izvještaja, a po potrebi i neposrednim nadzorom kod korisnika sredstava, a na osnovu valjanih izvora verifikacije navedenih u samoj prijavi.

Ukoliko Korisnik sredstava ne dostavi Izvještaj o utrošku sredstava ili nenamjenski utroši sredstva, Ministarstvo pokreće zakonom propisan postupak za povrat finansijskih sredstava.

XI OSTALO

Ministarstvo će izvršiti raspodjelu sredstava u skladu sa Konačnom rang listom korisnika sredstava. U slučaju da zahtjevana poticajna sredstva budu veća u odnosu na planirana, Ministarstvo će raspodjelu istih izvršiti tako da na osnovu utvrđene Konačne rang liste korisnika sredstava, izvrši umanjeње traženog iznosa procentualno po svakom korisniku, a u skladu sa raspoloživim sredstvima utvrđenih za implementaciju ove Odluke.

U postupku po Javnom pozivu Ministarstvo zadržava pravo da poništi Javni poziv u bilo koje vrijeme do zaključenja ugovora, bez obaveze pismenog ili usmenog obrazloženja.

U slučaju nedostatka sredstava u Budžetu Kantona obustavlja se realizacija dodjele sredstava.

Ministarstvo ne snosi troškove nastale u vezi sa prijavom na Javni poziv.

U slučaju da se Korisnici sredstava po Odluci o kriterijima i postupku dodjele sredstava odobrenih u Budžetu Unsko-sanskog kantona za 2023. godinu putem Ministarstva privrede sa pozicije Tekući transferi neprofitnim organizacijama-oblast turizma, nađu na Konačnoj rang listi, sa istima se neće potpisati Ugovor, dok Vlada Kantona ne prihvati Izvještaj o namjenskom utrošku sredstava po osnovu ranije doznačenih sredstava Ministarstva (ukoliko su ista ostvarili), kao potpuni ili djelimični namjenski utrošak.

U slučaju djelimičnog namjenskog utroška, Ugovor će se potpisati po izvršenom povratu nenamjenski utrošenih sredstava.

Sve dodatne informacije vezane za Javi poziv mogu se dobiti putem telefona: 037/316-039 ili na e-mail: privreda@vladausk.ba.



MINISTAR
Armin Kardašević, MA saob. i kom

Kardašević A